



**Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1746. usque ad  
Annum 1749

**Luxemburgi, 1753**

XLI. De Officio Scriptorum Sacræ Pœnitentiariæ Apostolicæ. 13.  
Decembris.

---

[urn:nbn:de:hbz:466:1-74761](#)

sexto Kalendas Decembris, Pontificatus Nostri  
Anno Octavo.

D. Card. Passioneus,

J. Datarius.

VISA DE CURIA.

I. C. Boschi.

J. B. Eugenius.

Loco ✠ Plumbi.

Registrata in Secretaria Brevia.

Publicata die 2. Decembris 1747.

XLI.

De Officio Scriptorum Sacrae Pœnitentiarie  
Apostolice.

## BENEDICTUS PAPA XIV.

Motu Proprio &c.

**Q**UAMVIS jam usque ab anno Incarnationis Dominicae millesimo septingenteisimo quadragesimo quarto Idibus Aprilis Apostolice Literæ sub Plumbo a Nobis editæ fuerint, quarum initium est: *In Apostolica Pœnitentiarie Officio*, quoque in Bullario Nostro impreßa sunt *Tom. I. num. XCVI.*, in eisque a Nobis provida Leges, & Ordinationes fuscè statutæ fuerint, ab omnibus Officii Pœnitentiarie Officialibus, & Ministris, ac nominatim ab ipsis Procuratoribus, seu Secretariis, & a Scriptoribus tam ordinariis, quam extraordinariis, observanda; quum tamen aliquid ad hujusmodi Ministrorum Officia pertinens, addendum adhuc esse judicaverimus, ad implendas Apostolici ministerii Nostri partes æquali studio intenti, ac Motu simili &c., omnia primum, & singula in præcitatibus nostris Literis, & in aliis etiam super facultatibus Majoris Pœnitentiarie, ipsius Pœnitentiarie Officii, eadem die datis, incipien. *Paschor bonus*, & in prefato Bullario Nostro impreßis *num. XCV.*, disposita, atque contenta, iterum approbantes, & confirmantes; ulteriora hac manda edicere, & constituere, ac præsentis Schedula vigore communire decrevimus; quam quidem Schedulam in Tabulario ipsius Pœnitentiarie ad perpetuam rei memoriam affervari præcipimus; Mandantes dilecto Filio Nostro Joachimo Tituli Sanctæ Crucis in Hierusalem Presbytero hujus Sanctæ Romanae Ecclesiæ Cardinali hodierno ex Nostra electione, ac deputatione Majori Pœnitentiarie, ejusque Successoribus pro tempore futuris, ut juxta ipsius tenorem, & continentiam segerentes, Nostram in hisce rebus voluntatem in posterum exactè observent, & ab aliis, ad quos pertinet, inviolabiliter, & cum effectu observari faciant.

Sane, quum inter alia munera, & officia Nobis olim in minoribus constitutis a Prædecessoribus nostris Romanis Pontificibus commissa ac demandata, illud etiam Doctoris in Decretis in prefato Apostolice Pœnitentiarie Officio plures annos exercuerimus, ex ipso usu, & experientia satis compertum habemus, quanti momenti sit Officium Procuratoris, seu Secretarii ejusdem Pœnitentiarie; & quām impossibile sit aliquem in idoneum Procuratorem, seu Secretarium evadere, qui non antea in Scriptoris officio diu meruerit; quum ad habendam necessariam Procuratori hujusmodi peritiam, minimè sufficiat Canonici juris, aut etiam Theologiae Moralis scientiam acquisivisse, sed præterea necesse omnino sit in ipsius Pœnitentiarie Officii stilo, & praxi versatum esse; id quod nonnisi ex diuturno exercitio in Scriptoris vel ordinarii, vel extraordinarii munere fas est obtinere.

Quare, quum Nobis ex quorundam fide dignis relationibus innotescat, nonnullos esse, qui, privatim aliorum servitiis addicti, ad hujusmodi Scriptorum sive ordinariorum, sive extraordinariorum officia adipirare, vel alias ad ea admissi, ipsa etiam deinceps retinere contendant; unde eveniat, aut evenire possit, ut hi, in diversis hujusmodi aliorum servitiis occupati, nequaquam valeant debitam Apostolice Pœnitentiarie Procuratoribus, seu Secretariis assistentiam præbere; utque ipsi, quantumvis præstantibus forsan animi dotibus prædicti, nunquam tamen apti, arque experti Scriptores evadant; adeoque, si unquam ad Procuratorum officia promoverentur, multo minus ad ea exercenda habiles, & idonei inveniri possent; animadverso etiam publico incommode, & gravi animarum detimento recurrentibus ad ipsum Pœnitentiarie Officium obveniente, dum ejusdem Officii expeditiones, hujusmodi Scriptoribus alieno servitio addictis demandata, indebet protrahuntur, & in tempore majoris necessitatis sapè deficiunt.

Hinc est, quod Nos, præmissis, aliisque justis causis animum nostrum moventibus addicti, prefato Joachimo Presbytero Cardinali, ejusque in predicto Officio Majoris Pœnitentiarie Successoribus in perpetuum districte mandamus, ut neminem in posterum ad hujusmodi Scriptorum sive ordinariorum, sive extraordinariorum officia eligant, vel admittant, qui affidus aliquis persona cuiuscumque gradus, ordinis, aut dignitatis, etiam expresse individualiter, servitiis actu addictus, vel alterius Officii, aut muneric exercitio continenter occupatus esse dignoscatur; volentes, ut si quis de praesenti inter hujusmodi Pœnitentiarie Ministros reperiat alieni servitii, aut incompatibilis Officii vinculo districtus, is quidem è Ministrorum hujusmodi Catalogo minimè expungatur; Verumtamen ad superiorita ejusdem Pœnitentiarie ministeria, durante hujusmodi vinculo, nequeat promoveri.

Porro in prefatis nostris Literis, quas super Apostolice Pœnitentiarie Officialibus, eorumque muneribus, edidimus, antiquioribus Prædecessorum nostrorum Constitutionibus inherentes, libenter statuimus, ut tam Procuratorum, quam Scriptorum ordinariorum Officia, prævio semper concursu, conferri debeant; decernentes omnes hujusmodi Officiorum collationes, quas aliter forsitan, etiam ab ipso Romano Pontifice, fieri contingeret, irritas fore, & inanes: Quod quidem non alia de causa a predictis Prædecessoribus, & a Nobis statutum fuit, quam ut hujusmodi munera, & officia dignioribus aptioribusque personis; quantum fas est, conferantur. Quapropter omnibus, ad quos spectat, seu spectabit in futurum in concursibus hujusmodi judicium suum interponere, iterum iterumque districte injungimus, ut, nullâ officiorum, aut commendationum ratione habitâ, juxta majorem dumtaxat personalium idoneitatem suffragiorum suorum prærogativam concedant. Ipsique demum Cardinali Majori Pœnitentiarie, ejusque Successoribus mandamus, ut extraordinarios Scriptores ea expressa lege obstringant, ut Procuratoribus, seu Secretariis frequenter adesse non prætermittant, quod valeant in Pœnitentiarie praxi, & stilo, quam peritissimi evadere; scientes fe neque ad concursus in futuris Scriptorum ordinariorum, aut Procuratorum, seu Secretariorum vacationibusullo pacto admittendos; nec ullo subsidio ordinario, aut extraordinario donandos fore; nisi qualibet vice super injuncta sibi assiduitate oportunas probationes, & legitima testimonia ipsi pro tempore existenti Majori Pœnitentiarie exhibeant; seque etiam

ab ipsis Officiis esse dimittendos, si, postquam de frequentandis, ut supra dictum est, Procuratorum Officis semel, & iterum admoniti fuerint, adhuc hujusmodi præceptum nostrum implore contemplerint. Ac denique, postquam etiam ad Ordinarii Scriptoris munus per concursum, ut præmititur, adiecti fuerint, haud eximendos se fore ab onere eosdem Procuratores non raro adeundi, pro acquista peritia tum conservanda, tum promovenda.

Volumus autem tam memoratas Nostras Literas, quam præsentem Motus nostri Schedulam, cum omnibus, & singulis in eis contentis, semper & perpetuò firmas, validas, & efficaces existere, & ab omnibus, & singulis, ad quos spectat, inviolabiliter observari, soluta cui libet, etiam Majoribus Pœnitentiariis pro tempore existentibus, aliter statuendi, & interpretandi, seu dispensandi facultate; Non obstantibus omnibus illis, que in dictis Nostris Literis non ostendare decrevimus, ceterisque contrariis quibuscumque.

## Fiat Motu proprio P.

**E**T, quod præmissa mandata, præcepta, atque decreta, cum clausula perpetuò, & ad perpetuam rei memoriam, & cum opportunitatis derogationibus tam generalibus, quam specialibus, etiam Regulae de jure quæsto non tollendo, latissimè exprimi, & extendi possint in Literis etiam per viam de Curia, si, & quandocumque videbitur, expediendis; & quod sola præsentis Schedule Nostris Motus proprii signatura sufficiat, illique ac illius quoque exemplis, seu transumptis, etiam impressis, manu alicuius Notarii publici subscriptis, & Personæ in Ecclesiastica dignitate constitutæ Sigillo munitis, tanta ubique fides adhibeat in judicio & extra, quanta, si sub plumbo Nostro expedientur, & originaliter exhiberentur, adhibenda esset, & adhiberi deberet, Regulâ quacumque contraria non obstante.

Datum Romæ apud Sanctam Mariam Majorem, Idibus Decembribus, Anno Octavo.

Fiat P.

XLII.

Unio Congregationis Clericorum Sæcularium Doctrinæ, cum diversis ordinationibus.

## BENEDICTUS EPISCOPUS

*Servus Servorum Dei. Ad perpetuam rei memoriam.*

Summus  
Pontifex de  
Doctrinæ  
Christianæ  
traditione ad-  
modum solli-  
citus.

A POSTOLICI munera Nobis, licet immergentibus, cum Beati Petri Cathedra, Dei voluntate commissi, præcipuas partes esse, ad conservandam, augendamque in Fidelium animis Christianæ Doctrinæ scientiam, omnis studio, atque opera incumbere, non solum ipsi semper agnivimus, sed etiam, ut omnes intellegenter hanc Nobis curam, & cogitationem animo potissimum insidere, pluribus editis Nostra hac de re sollicitudinis argumentis, effecimus. Extant Apostolicae adhortationes Nostra ad Venerabiles Fratres omnium Ecclesiarum Episcopos non semel directæ, ut eorum zelum excitaremus ad Christianæ Doctrinæ patulum Fidelibus populis majori, quæ fieri posset, ubertate exhibendum. Nec omisimus aptiorem ipsi methodum indicare, quæ possent singuli in subjectis sibi plebibus in Fide, & Disciplina Domini erudiendis amplius utiliusque proficer; ut videre est in Literis die VII. Februarii anno MDCCXLII. Pontificatus Nostri II. datis, & in Bullario Nostro impressis Tom. XVI. pag. 64. & seqq. Constitut. XLII.

Quod sane gravissimum, ac necessarium Christianæ Doctrinæ opus, ut in hac Urbe Nostra prosperè, feliciterque procederet, duobus ab hinc annis ad augendum statum pia Sodalitatis, quam Archiconfraternitatem vocant Doctrinæ Christianæ, animum libenter adjecimus; concessaque ipsi Ecclesiæ Beatae Mariae Virginis de Planctu nuncupata, ipsiusque rebus ac iuri bus amplificatis, majorem ei tribuimus facultatem, pia instituti sui exercitia ad spiritualem Populi Romani utilitatem explendi, ut pater ex Apostolicis Nostris Literis incipien. *Salutaris Doctrina fontes*, vii. Idus Martii Anno Incarnationis Dominicæ MDCCXLV. datis.

Quum autem hujus Laicalis Confraternitatis originem, institutionem æqualem olim, atque eandem ferè fuisse accepimus cum primitiva fundatione Congregationis Clericorum Sæcularium Doctrinæ Christianæ in hac ipsa Urbe sub san. mem. Prædecessore Nostro Pio Papa V. creæ, deindeque a fel. record. Prædecessore pariter Nostro Gregorio Papa XIII. in Domo, & Ecclesiæ Sanctæ Agathæ in Transyberinâ regione constitute; quæ postea a prædicta Laicorum Confraternitate seorsim confitens, in aliis Pontificiæ Ditionis Nostra Civitatibus propagata fuit; ex communi tam Congregationis, quam Confraternitatis hujusmodi origine, & scopo, justam occasionem desumpsimus, ut ad prædicatam quoque Clericorum Congregationem Providentiam Nostra oculos intenderemus; ejusque statui, ac regimini, si, & quatenus oportunitum vixit, Apostolicae auctoritatis Nostre interpositione consuleremus.

Verum dum universum hujusmodi Congregationis statum, prout in præsenti se habet, accuratius introspicere coepimus, non modò eam ad deplorandum decrementum conditionem redactam esse cognovimus, quum in tota hujusmodi Congregatione non amplius, quam tringinta & octo Presbyteri & Clerici, cum septendecim Laicis Fratribus, numerentur, ex quo sane numero impossibile est idoneos, ac fructuosos Operarios statuere, ac deputare in octo ipsius Congregationis Domibus, seu Collegiis, quæ, præter supradictam Domum Sanctæ Agathæ de Urbe, in convicinis Civitatibus Veltinæ, Prænestina, Reatina, Privernate, Urbevetana, Signina, & in Terris Arcis Maxima, & Aricis consistunt; Verum etiam nullam spem de ipsa ad ampliorem splendorum gradum revocanda prudenter concipi posse judicavimus; quum in tota hujusmodi Congregatione neque Domus Probationis, seu Novitatus, neque studiorum Collegium ullum reperiatur, sine quibus tantum abest, ut Religiosorum Ordinum incrementa sperari queant, ut vix eorum conservatio subsistere possa videatur.

Quare abjecta cogitatione omni de hujus Congregationis ad hujusmodi statum redacta reformatione, ad aliud consilium Nos convertimus, ut scilicet ipsam subiectivè uniremus Provinciae Romanæ alterius Congregationis Clericorum pariter Sæcularium Doctrinæ Christianæ in Civitate Nostra Avenionensi in Gallia erectæ, quæ in pluribus per Italianum Domibus, seu Collegiis, tam in Statu Nostro Ecclesiastico, quam in Neapolitano Regno, & in Subalpinis Regionibus, ampliorem Presbyterorum, & Clericorum numerum alit, qui simillimum profitentes Institutum, erudiendis pueris, cathechizandis rudibus, Sacris Missionibus, aliisque laudabilibus Christianæ charitatis operibus, incessanti studio adlaborare dignoscuntur; ut scilicet utriusque Congregationis Professores in unum Corpus, & in unam Provinciam coalescentes, sub unius Vicarii Generalis regime, & sub iisdem Regulis, & Constitutionibus pro Congregatione in præfata Avenionensi Civitate

ANNO  
1747.  
Archicon-  
fraternitas  
Doctrinæ  
Christianæ  
Urbe ampli-  
cat.

Cogita-  
tus Cong-  
regationis C-  
lericorum Sæ-  
cularium Do-  
ctrinæ Chri-  
stianæ Ur-  
be ampli-  
cat.

Eam in-  
nit ad de-  
riorem co-  
ditionem  
dicitur, al-  
que spe mo-  
ris incen-  
ti.

Ideo finit  
ipam super-  
tive una  
Provincie  
Romanae  
Congregatio-  
nis Aveni-  
onen.